

Na osnovu člana 138. stav (3) Zakona o radu ("Službene novine Federacije Bosne i Hercegovine", broj: 26/16, 89/18, 44/22 i 39/24), člana 77. stav 3. Kolektivnog ugovora za službenike organa uprave i sudske vlasti u Federaciji Bosne i Hercegovine ("Službene novine Federacije Bosne i Hercegovine", broj: 98/23), Vlada Srednjobosanskog kantona koju zastupa po ovlaštenju Vlade Srednjobosanskog kantona premijer Kantona Tahir Lendo, uz saglasnosti općina: Općina Dobretići, Općina Fojnica, Općina Novi Travnik, Općina Kreševo, Općina Kiseljak, Općina Jajce, Općina Vitez, Općina Bugojno i Općina Busovača i Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji BiH, kojeg zastupa predsjednik sindikata Samir Kurtović, dana 09.09.2024.godine, za: ljučuju

UGOVOR
o pristupanju Kolektivnom ugovoru
za službenike organa uprave i sudske vlasti u Federaciji Bosne i Hercegovine

Član 1.

Ovim ugovorom Vlada Srednjobosanskog kantona u ime općina: Dobretići, Fojnica, Novi Travnik, Kreševo, Kiseljak, Jajce, Vitez, Bugojno i Busovaču pristupa Kolektivnom ugovoru za službenike organa uprave i sudske vlasti u Federaciji Bosne i Hercegovine („Službene novine Federacije BiH“, br. 98/23), (u daljem tekstu: Kolektivni ugovor).

Član 2.

Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine, kao reprezentativni sindikat, prihvata pristupanje Općina Srednjobosanskog kantona iz člana 1. ovog ugovora kao poslodavca, Kolektivnom ugovoru.

Član 3.

Ugovorne strane su saglasne da se upotrijebljeni izrazi u odredbama Kolektivnog ugovora koji se odnose na parlamentarnu proceduru, Vladu Federacije Bosne i Hercegovine, federalne organe državne službe, službenike sudske policije, federalne ustanove i druge federalne institucije imaju primjenjivati i tumačiti kao odredbe koje se odnose na ove ugovorne strane i na skupštinsku proceduru, Vladu Srednjobosanskog kantona, kantonalne organe državne službe ili organe i tijela uprave, upravne organizacije i druge kantonalne institucije i gradske i općinske službe za upravu.

Član 4.

Prihvatanjem ovog ugovora, ugovorne strane saglasne su da će prava i obaveze izvršavati na način kako je to Kolektivnim ugovorom uređeno.

Član 5.

Ovaj ugovor stupa na snagu danom potpisivanja od strane ovlaštenih predstavnika ugovornih strana, a isti će se objaviti u "Službenim novinama Srednjobosanskog kantona" i „Službenim glasnicima općina“.

Član 6.

Ugovor je sačinjen u osam istovjetnih primjeraka, pri čemu svaka ugovorna strana zadržava po četiri primjerka ugovora.

01-11.6-7423/2024
Broj: 9.9/24

Broj: 01-878/24 od 09.09.2024. godine

Vlada
Srednjobosanskog kantona
Kantona Središnja Bosna

Tahir Lendo, premijer



Samostalni sindikat državnih službenika i
namještenika
u organima državne službe, sudskoj vlasti i
javnim ustanovama u Federaciji BiH

Samir Kurtović, magistar prava

